



DEN NORSKE KYRKJA
Fjaler kyrkjekontor
Dalstunet, Dalsvegen 105A
6963 Dale i Sunnfjord
Telefon: 57 73 97 70
E-post: kyrkjesekreter@fjaler.kyrkja.no
www.fjaler.kyrkja.no

Konfirmant 2023

Dale, tysdag 10. mai 2022

Kjære ungdom og foreldre/føresette!

Vi inviterer deg til å vere med på konfirmasjonstida i Fjaler for året 2022-2023 med konfirmasjonsgudsteneste på vårparten neste år. Vi håpar du har lyst å vere med!

Som konfirmant vert du betre kjend med oss som arbeider i kyrkja og kyrkjelyden. Men vi ønskjer aller mest at du skal bli betre kjend med Jesus Kristus. Vi vil fokusere på dei "STORE" spørsmåla; om Gud, om trua og mennesket, livet og døden. Dessutan vil vi diskutere mange etiske tema og dei vala vi gjer i livet.

Konfirmasjonstida sitt timetal er på 60 timar der vi skal gjere og vere saman om mange ting.

Alle konfirmasjonssamlingane er utanom skuletida i Dale kyrkje med måltid på Ljosheim. Det vil vere ei samling i månaden i tidsrommet **kl.18.00-20.30**. (Sjå vedlagte «hugseliste»)

I tillegg til dette blir konfirmantane delte inn grupper der kvar gruppe førebur ei gudsteneste. Det vil være ei førebuingssamling for kvar gruppe før desse gudstenestene.

Laurdag 29. oktober 2022 reiser konfirmantane til Førde på konfirmantfestival for ytre Sogn og Sunnfjord. Dette er eit opplegg som erstattar det som før var nattcup. No er det på dagtid.

Det er planlagt **ungdomshelg 25. og 26. mars** i 2023 med overnatting heime. **Laurdag 25. mars** er Fjalerkonfirmantane saman med konfirmantar frå nabosokna på ein aktivitetsdag. **Søndag 26. mars er det samtalegudsteneste** i Dale kyrkje for Fjalerkonfirmantane.

Fasteaksjonen, måndag 27. – tysdag 28. mars 2023, er ein aksjon der konfirmantane samlar inn pengar til Kirkens Nødhjelp. Fasteaksjonen blir avslutta med **solidaritetskonsert i Dale kyrkje tysdag 28. mars**.

I løpet av året må konfirmantane delta på til saman **10 gudstenester** – også som *medliturgar* saman med presten. Dei song- og musikkglade konfirmantane kan bidra som *forsongarar*, *synge i kor* og *spele* i nokre gudstenester. Vi treng også nokon til å styre powerpoint på einskilde gudstenester.

Skal opplegget fungere, krevst det at kvar konfirmant er villig til:

- Å gå inn for å få mest mogleg ut av konfirmasjonstida.
- Å fylgje opplegget så langt som råd.

Udøypte konfirmantar kan bli døypt i løpet av konfirmasjonstida. For å bli konfirmert, må ein vere døypt. Viss dette er aktuelt, berre ta kontakt.

Eigenbetaling for konfirmasjonsåret er om lag kr.1200,-. Giro vil bli levert/sendt til dei påmelde i løpet av året. Denne betalinga er med å dekke utgifter til mat, aktivitetar og transport, og til konfirmantkapper som leverast ferdig vaska og strokne konfirmasjonsdagen.

Ønskjer du å bli innskreven som konfirmant, må du gå inn på denne adressa:

<https://minkirkeside.no/Fjaler> (du finn lenkja på heimesida vår) og melde deg på. Ha klart personnummer, telefonnummer og e-post til konfirmanten og foreldra samt stad og dato for dåp før du begynner. Du registrerer deg først med mobilnummer, så får du ein kode som du tastar inn. Du kan logge deg inn igjen seinare om du vil endre eller leggje til opplysningar. Vi anbefaler at konfirmant og foreldre/føresette gjer dette i lag.

Om ikkje du får til elektronisk påmelding, må du ta kontakt med kyrkjekontoret, så hjelper vi deg.

Før sommarferien er gudstenester med konfirmantinnskrivning desse søndagane:

Folkestad kapell	søndag 22. mai	kl.14.00
Dale kyrkje	søndag 22. mai	kl.11.00
Guddal kyrkje	søndag 12. juni	kl.11.00

Til hausten er gudstenestene med konfirmantpresentasjon desse søndagane:

Folkestad kapell	søndag 21. august	kl.11.00
Dale kyrkje	søndag 28. august	kl.11.00
Guddal kyrkje	søndag 4. september	kl.11.00

Konfirmasjonsgudstenestene 2023 er sett opp slik:

Folkestad kapell	laurdag 29. april	kl.11.00
Dale kyrkje	laurdag 6. mai	kl.11.00(9A) og kl.13(9B)
Guddal kyrkje	laurdag 26. august	kl.11.00

Vi ser fram til å bli betre kjent med deg! Velkommen som konfirmant!

Beste helsing



Knut Arne Kummeneje, sokneprest

Mobil: 908 55 230

knakum@fjaler.kyrkja.no